

UTL AT DOWNSVIEW



D RANGE BAY SHLF POS ITEM C
39 12 06 23 13 012 8



PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

DS Cotteau, Edmond
485 Hindistan seyahatinden Bombay
B61C619 şehri

4408

21/3

بسم الله الرحمن الرحيم

الحمد لله الذي هدانا لهذا الذي كنا لنهتدي لولا أن هدانا الله

والصلاة والسلام على من لا نبي بعده

والله اعلم بالصواب

والله اعلم بالصواب

الحمد لله

والصلاة والسلام على من لا نبي بعده

والله اعلم بالصواب

Cotteau, Edmond

کوچوک سیاحتلر

هندستان سیاحتندن

بومبئی شہری

Hindistān seyāhatinden
Bōmbāy şehri



۱۳۲۱ سنہ سی ظرفندہ ثروت فنون غزٹہ سنہ تفرقہ صورثندہ درج
اولندقدن صوکرہ آیروجه کتاب اولہرق طبع اولمشدر .



استانبول


مطبعہ احمد احسان

۱۳۲۱

DS

485

B₆₁ C₆₁₉



بومبای شهری

— مدخل —

نیم مستقل اولان حکومت محلیه ایله انکلترونک دائره نفوذی آلتنده بولوندیغی تسلیم ایدیلن حوالی دخی داخل حساب اولوق شرطیله عموم هندستان فرانسه نك آتی مثلی جسامتنده برقطعه وسیعه در . بومیانده یالکیز بومبای ایالتنک مساحه سطحیه سی ۵۶،۱۷۹ کیلو مترو مربعیدرکه نفس انکلترون دن خیلی جسمیم دیمکدر .

بومبای ایالتی دقان ، قونقان ، کجرات ، سند ناملریله درت بویوک سنجاغه آریلیر . بوسنجاقلر داخلنده بولسان داروار شهری پاموق تجارتی ایچون برمرکز اولدیغی کبی هندستان

دکزلرینک بوتون تجارتی بومبایدہ طوپالانیر . سورات شہری ایسہ
آوروپا تجارتکاهلرینہ مقر اولمق ، کراچی شہری دخی حبوبات
اخراج ایتک کبی خصوصاتده تمیز ایتشلردر .

ینہ بومبای ایالتندہ الہ فانتا ، سالتہ معبدلری کبی پک
مشہور معبدلرلہ ہر سنہ بیکلرجه زوار طرفندن زیارت ایدیلن
وکندیلرنجه مقدس عد اولنان کیستنا ، نازیق کبی منابع
مشہورده موجوددر . مرکز ادارہ سی اولان بومبای شہری
ایسہ عموم ہندستانک اک کثیرالنفوس بر بلده سی اولوب حضرت
موسادن بیک سنہ مقدم ظہور ایتمش اولان زور و آست نام ذاتک
مذہبنہ سالک آتشپرستلرک باشلیجه مجمعیدر .

کک موقع جغرافیسی ، ثروت طبعیہ سی ، ترقیات تجاریہ
وصناعیہ سی ، کک ترقیات فکریہ و خاطرات ماضیہ سی اعتباریلہ
ہندستان غربی نی تشکیل ایدن بو بومبای ولایتی غایت شایان
دقت و اہمیت بر قسمدر . مذکور ولایتک بوندن الی سنہ اولکی
حالیلہ بوکونکی واصل اولدینی مرتبہ تعالیٰ مقایسہ ایدیلہجک
اولورسہ حیرتلرہ دوشمہک قابل اولماز . بومبای شہرینک
کسب ایتدیکی اہمیت و فعالیت سایہ سندہ وقوعہ کیشدر . اک
چوق ایپلک فابریقہلری بومبایدہ و بومبای ولایتندہ بولونیور .
ہندستان اخراجاتنک بشدہ اوچنی بوشعبہ صنعت تولید ایدر .
بوندن باشقہ بومبایدہ کی محوسیلر ہندستانک اک بویوک بانکرلریدر .
بویوک تجارت بونلرک الندہ طوپالانمشدر . تدابیر صحیہ دہ کی نقصان
و بطائتہ انضمام ایدن اوفنا اقلیمی بولماسہ ایدی ، بر چوق تلفاتہ
بادی اولان اوقحطلردن اثر کورلمسہ ایدی بومبای شہرینک
دنپادہ بر مثلنہ دھا تصادف پک زور اولوردی . بومبای زیارت

ایدنلراوندن کمال حیرت و تقدیر له بحث ایدهرک فعالیت تجاریه سنه
تقدیر خوان اولور لر .

بومبای شهری عینی اسمده واوزون بر آطه نك قسم جنوبیسی
اشغال ایدر . بر سد بوجزیره یی سالست آطه سنه و هندستان
قطعه سنه ربط ایدر . بو آطه ۱۳۵۰ تاریخندن ۱۶۶۱ تاریخ
میلادیسنه قدر پورتکیزلرک اداره سنده بولوندی . تاریخ مذکورده
انکلتزه قرالی ایکنجی شارله ویردی لر . ۱۶۶۸ تاریخنده سنوی
برمباغ معین مقابلنده هندستان شرقی قومپانیه سنه کچدی . بومبای
لیمانی آسیانك اك واسع مرسالرندن بری اولدینی جهته قومپانیانك
تشبثات بحریه و تجاریه سی ایچون کوزل بر نقطه عزیمت تشکیل
ایتدی .

الیوم بومبای ایالتی مادر اس ایالتی کبی نیم مستقندر . آنجق
بعض امور مهمده هندستان والیٰ عمومیلکنه مراجعت ایدر .
کندیسنه مخصوص بر بودجه سی وارددر . بو ایالتک مشهور شهرلرینی
یوقاریده سویلشدک . دقان سنجاغی داخلنده اك غلبه لق شهر
پونا (۱۶۰ بیک نفوس) در . بوراسی انکلیز طوپچیلرینك مقری
اولوب آوروپالیلرکده پك رغبت ایتدیکی بر شهردر . آوروپالیلر
پوناده برچوق گوشه کلر ، کوزل باغچه لر یامشلردر . پونا شهری
جوارنده زیر ارضده قارلی معبدی وارددر .

قونقان سنجاغی اوچ قضایای شاملدر . قانارا ، قولابا ،
بومبایك مرکز اداره سی ایسه بومبای شهری اولوب ایکی
شمندوفر خطیله سالست آطه سنه مربوطدر .

کجرات سنجاغنك مرکز اداره سی اولان سورات شهری
(یوز اون بیک نفوس) اون یدنجی عصرده هندستانك اك

برنجی لیمانی و عموم آسیانك اك كوزل و معمور برشهری ایدی .
 ماهراتلر بونی تخریب ایتدیله . صوکره قسماً تکرار بنا ایدلدی .
 لیمانك قوم و چامورله دولماسی ، بومبای شهرينك رقابت ایتیمی
 اهمیتنی اسقاطه بوتون بوتون سبب اولدی .

شوکوچوك بومبای سیاحتنامه سی موسیو ادمون قوتونك
 سیاحتنامه سندن استخراج ایدیورز . هندستان تدقیق ایدلمك
 ایستهنیلدیکی زمان مومی الیهك اثرینه مراجعتدن هیچ بروقت
 استغنا حاصل اوله ماز . موسیو قوتو ۱۸۷۸-۱۸۷۹ تاریخده
 هندستانه سیاحت ایدرك هر شیئی تدقیق ایتمش و انجق محقق و قطعی
 اولان شیلری سیاحتنامه سنه درج ایلشدر .

بومبای

بومبای ایالتک مقرر اداره سی

یر لیلرک مومبائی و پورتکیز لیلرک بو آباهیا نامنی ویردکری
بومبای شهری $۱۸^{\circ} ۵۶'$ عرض شمالی ایله $۷۰^{\circ} ۳۷'$ طول شرقیده
کائندر . شهر بر سلسله جزائر اوزرنده مبنی اولوب بونلر
سدلر وشوسه لرله بربرلرینه وسالست آطه سنه واورادن هندستانه
مربوطدر . بوصورتله بر بورون تشکل ایدر . منتهای جنوبیسی
اینجه واوزون بر دیل حالنده در . اوزرنده لیمانک مدخلی ارئه
ایتمک اوزره بر فنار تأسیس اولونمشدر .

بوکون بیله بومبای اطه سی نامیله یاد ایدیلن بوشبه جزیره الی
کیلو مترو مربعنده در . برقچ قیالقتپه استشنا ایدیلسه اراضیسی

عمومیتله مستویدر . دکزک سویه سندن ارتقاعی پک آزاو دیغندن یاغمور موسمنده اکثریا فیضان آلتنده قالیر . بویله اولمقله برابر انکیندن کلن روزکارلرک کافه سنه کشاده بولنان بومبای شهری مضر صحت دکلدر .

لیمانی دنیا نیک اگ کوزل لیمانلرندن بری اولوب روزکارلردن پک کوزل محفوظدر . اطرافی قطعاً ارضیه ایله محاط اولوب بومیانده کوچوک آطه جقلرده کورولور . بونلرک اگ مشهوری اله فانتا جزیره سیدر . شرق طرفدن غات طاغلی افقی قاپار .

بومبای شهرینک تاریخی پورتکیزلیلرک اشغالیه بدأ ایدر . انکلیزلر هندستانه کلدکلری وسوراتنده کی موقعلری برآز کسب اهمیت ایلدیکی زمان رقیبارینک موقع مهمندن حقیله استفاده ایده مدکلری بومبای حوالینسی اله کچیرمک ایسته دیلر . ایکی دفعه بومبای ضبطه تشبث ایتدکلری حالده موفق اولامامشلاردی . ۱۶۶۱ تاریخنده پورتکیز پرنسیس قاترین ایله انکلتره قرالی ایکنجی شارل تأهل ایتدکلری زمان پرنسس قاترینک جهازی میاننده بومبای شهریده بولونیوردی . انکلتره قرالی بونی بر قاج سنه صوکره سنوی یالکیز اون انکلیز لیراسی مقابلنده هند شرقی قومپانیه سنه ایجار ایلدی . اوزمان بومبای شهرینک اون بیک نفوسی واردی .

۱۵۷۵ تاریخنده بومبایک مقدار نفوسی التمش بیکه بالغ اولمشدی . فقط اوتاریخده جوار باتاقلقلرک کافه سی قورودلماش اولدیغندن مدهش بر طاقم حالر کثرتله و فیاتهبادی اولیوردی . ایشته بومبایه هنوز سالست اطه سنه صاحب اولان پورتکیزلیلرک حرکات خصمانه لری ده انضمام ایلدی . مع مافیه انکلیزلر بوموانعی اقتحام

ایتدیله . انشاءات عظیمه نافعده بولوندیله ، یکی تجارتگاهله
تأسیس ایتدیله .

۱۷۰۸ تاریخنده اسکی ویکی هند قومپانیالرینک توحیدی
اوزینه بومبای شهری مستقل بریالتک مقری اولدی . بو حال ۱۷۷۳
سنه سنه قدر دوام ایتدی . اوتاریخنده عموم هندستان اموری
کلکته شهرنده مقیم بروالی عمومینک ید اداره سنه طوپلاندى .
۱۸۱۶ تاریخنده بومبایک مقدار نفوسی یوز آلتش بر بیک
کشی یه بالغ اولمشدی . ۱۸۷۲ ده اجرا ایدیلن تحریر نفوسده
ایسه شهرک سکنه سی ۶۴۵ بیک کشیدن ترکیب ایتدیکی آکلاشدی .
بوکون بومبایک نفوسی سکز یوزاللی بیکی کچمشدر .

بومبایده اولدیغی قدر باشقه هیچ بر شهرده اودرجه تنوع
عرق ومذهبه تصادف اولونماز . شو آتیده کی جدول بونی پک
کوزل اراهه ایدر :

۱۳۷,۵۰۰	مسلم
۴۱۰,۰۰۰	هندلی
۴۴,۰۰۰	آتشپرست
۲۷,۰۰۰	یرلی خرستیان
۱۵,۰۰۰	بوددیله
۷,۰۰۰	آوروپالی
۲,۵۰۰	موسوی
۲,۰۰۰	زنجی وچینی
۶۴۵,۰۰۰	۱۸۷۲ تاریخنده مقدار نفوس

بویکونده هندیلر ثلثان نسبتنده در . هندیلر باشلیجه ایکی
بویوک قسمه آیریلیرلر . بر قسمی ویشنو دیکر قسمی ده سیوانامنده
برر معبوده طاپارلر . ویشنویه پرستش ایدنلر آلنلرینه برخط
شاقولی ، دیکرلری ایسه برخط افقی چیزلر . هر صباح قابل ایسه

بر برهمن بوچيزكىنى تجديد ايدر . عوام خلق دها برطاقم معبودلرده پرستش ايدرلر .

هندلير آراسنده براهمانلردن صوكره اك زياده حائر اعتبار اولان صنف « بانيانلر » يعنى « تاجرلر » در . بونلرك قسم اعظمى بومبايك شمالنده كاڻ اولان كجرات حواليسندن يتشمشلدردر . بونلر كسب ثروت اميدى اولديغى زمان اوزون سياحتلره چيقمقدن چكينمزلر . بوايسه سائر هندليرده كورولمز . تجارت خصوصنده مثله پك نادر تصادف اولنور بر اثر مهارت ابراز ايدرلر . اونك ايچون هندلير آراسنده شو ضرب مثل وجود بولمشدردر . « اوچ يهودى برچينلى يه ، اوچ چينلى بر بانيانه معادلدر » ديرلر . بونلرك كافه سى كجرات لسانيله تكلم وكتابت ايدرلر . بومبايده اك منتشر لسان بودر . عموم هندستانك اك منتشر لسان تجاريسى ده كجراتيدر . بانيانلر ممالك اجنبيه يه ده انتشار ايتشمشلدردر . بالخاصه تيب وچين حدودندن زنكباره و ترانسواله وارنجيه قدر اولان محللرده كثرته بولنورلر . تجارت بونلرك النده انحصار ايتمش كيدر .

ماهراتلرك تجارت ايچون بويله استعدادلرى يوقدر . بونلر حرب وزراعت ايله مشغول بر قومدر . شهرلرده اوتورانلر مأمور اوليورلر . مسكنلرى ده زنكين كجراتيلردر جه سنده مكمل وكوزل دكلدر .

بومباي مسلمانلرى ده سنى وشيى اولق اوزره ايكي قسمه آيرلمشلدردر .

آتشپرستلر عموم نفوسك انحق يوزده يديسى مقدارنده در . فقط معاملات اولان استعدادلرى ، فعاليت تجاريله لرى ، انكايين لساننه وقوف تاملرى سايه سنده اكتساب نفوذ و اعتبار ايتشمشلدردر . بونلرك تاريخى پك معلومدر .

بومبای انکلیز لړك انه كچديكي زمان بونلر سورات حواليسنده اولدجه تكثر ايتملردى . بومبای شهرينك كيتدجه كسب اهميت ايتسنه مجلوب اوله رق نهايت كليتي مقدارده بومبايه هجرتله اوراده قالديلر .

بونلر اليوم قديم زور و آسترك آيين مذهبيسنى اجرا ايدرلر . بومراسمه هند اعتقادات باطله سنه عايد بعض شيلرده قاريشمشدر . مجوسيلرك آتشكده لرنده دائمي صورتده بر آتش يانار . صباحلين ساحل بحره چيقه رق شمس طالعه قارشى يرلره قاپانيرلر . اقشام اوزرى ده شمس غاربه قارشى ديز چوكهرك دعا ايدرلر .

آتشپرستلر يالكز مهارت تجاريله ريله دكل امور سياسيه اولان استعداد فوق العاده لريله ده مشهوردرلر . بومبای مواردات و مناقلات تجاريله سنك قسم اعظمى بونلرك انده در . مجوسيلردن بعضيلرى ويردكلى كلى اعانه لردن وانكلتريه كوستردكلى معاونندن طولايى بر درجه يه قدر پايه اصالته بيله نائل اولمشلردر . آتشپرستلرك سخاوتى عموم هندستانده مشهوردر . بوميانده چشيد جيجيباى نامى هر طرفه معروفدر . چشيد هر مصارفى كنديسنه عايد اولق اوزره يكرمى ايكي ذكور و اناث مكاتبى تأسيس ايتمش ، خسته خانه لر ، مزارلقلر ياممش ، ارباب احتياجه ، قحظردكانه پك چوق اعانه لر داغيتممش ، دنيا نك همان هر طرفنده كى مصائبزدكانه معاوننده بولنمشدر . بومبايده كنديسنك برهيكلى ركز ايدلمشدر .

بومبايده كى خرسيتيانلرك قسم اعظمى هند و پورتگيز عرقنه منسوبدرلر . بونلر هندستانى ايلك ضبط ايدن آوروپاليلرله يرلى قادينلرك ازدواجلرندن متولد چوقلر اولوب كنديلرينه پورتگيزلى

نامنی ویریورلر . بونلرک رنکی ده اصل یرلی هندیلیرک رنکی قدر قویودر . بونلر باشلرینه سیاه بر شاپقه قویوب آوروپالیر کی تلبس ایدرلر . فقط بو عرق بوزولمشر . خدمتجیلکده وبوکا مماثل اهمیتسز شیلرده سوروکلنوب کیدیور .

بومبایده برده ژائین دنیان مذهبه منسوب کیمسه لر واردر . بومذهبک بودیلک ایله مشابعت کثیره سی واردر . بوکا سالک اولانلر تناسخ ارواحه قائل اولدقلرندن حیواناته ایلیشمزلر . بومذهب سالکلی تجارته متوغل اولوب غایت زنکیندرکر . غایت کوزل معبدلری واردر . بومیانده اک معروفی کجراتک شمالنده مونتایو معبدیدر .

بومبای موسویلرینه کلنجه بونلر عن اصل عراق قطعه سنندن نشئت ایتمشردر . بونلر آراسنده اک زنکین عالیه ساسون عالیه سیدر . بو عالیه رئیسی آثار خیریه ومؤسسات انسانیتپرورانه سی حسبیلله ۱۸۷۱ تاریخنده رتبه اصلتله تلطیف ایدلمشر .

بومبای شهری غرب مقراداره سی نامنه بحق شایسته اولمشر . تجارتی ذاتاً مهم ایکن ۱۸۶۱ - ۱۸۶۵ سنه لرنده برقات دهه کسب کرمی ایلدی . بوتاریخده آمریکا محاربات داخلیه سنندن دولای قطعه مذکوره پاموقلری آوروپایه کلیوردی . انکلتره فابریقه لرینی مواد ابتدائی نه ک فقداندن دولای تعطیل اشغال بلاسندن قورتارمق ایچون انکلزلر هندستانده پاموق زراعتی امکان مساعد اولدیغی درجه ده ایلریلمک چاره سنه تشبث ایلدیله . برقاچ سنه بومبایه هندستانک هر طرفدن بی نه یاه پاموق دنکلری یاغدی .

پاموق چوق یر اشغال ایتدیکی جهتله آوروپایه کوندرمک

اچون بونك حجمی ممکن اولدیغی قدر کوچولتمك ایجاب ایدردی .
 بو مقصدله برچوق صو جندره لری تأسیس اولوندی . بوکون
 پاموق اخراجاتی اوزمانکی قدر زیاده دکسه ده هر حاله ینه مهم
 بر مقداره بالغ اولور . باخصوص نفس هندستانده ایلاک فابریقه لری
 تأسیس اولوندیغدن یتیشن پاموقلرک بر قسمی اولدقلری یرده صرف
 واستهلاک ایدیلیور . الیوم هندستانده کی منسوجات قطنیه فابریقه لری
 مانچستر فابریقه لریله جدی صورتده رقابت ایتمکدرلر .

۱۸۶۹ تاریخنده سویس قنالتک کشادی بومبای تجارت
 بحر به سنی بوتون بوتون دکیشدیردی . امید برونی طریقله آفریقایی
 دولاشان یلکن کیلری یرینه بخارله متحرک سفینه لر قائم اولدی .
 الیوم آوروپا منافلاتنک آلتیده بشی قنال طریقله وقوعه کایور .
 هیچ بر شهر سویس قنالتک کشادن بومبای قدر مستفید
 اولما مشدر . بوکون هندستانک شمال ، مرکز و جنوب طرفلرینه
 اوچ بویوک شمندوفر واسطه سیله مربوط اولان بومبای شهری
 لوندره دن اون ، اون بش کونلک بر مسافه ده بولونیور . هر
 بازار ایرته سی عدن ، سویس ، بریندیزی طریقله جسیم انکلیر
 پوسته واپورلری لوندره یه کیدر .

آوستریا لوئید قومپانیه سیله روباتینو ایتالیان واپور قومپانیه سی ده
 هندستان و آوروپا آره سنده دوغرو پوسته ایشاتمکده درلر . دیگر
 طرفدن کلکتیه و بومبای آراسنده هر هفته آراده کی لیمانلره اوغرایه رق
 برواپور ایشلر . بو واپور سیلان آطه سنده چین و آوستریا لیدن
 کلن واپورلره تصادف ایدر . آیده درت کره ایندوس نه ری منصبیه
 مسقط ، بصره کورفزی ، وبصره آراسنده پوسته یابیلیور .
 شط اوزرنده ایشله یین کوچوک واپورلرله بغداده حیقلیر . بغداددن

آوروپايه درت طريق ايله كيديله بياير . يولاك برى حله طريقه
 فرات نهرينى تعقيب ايدر . حابدن سوكره اسكندريه اينيله بيلير .
 بويولاك اهوئيدر . فقط بغداددن سوكره واپورلر معين زمانلرده
 حركت ايتزلر . وانجق نهر كقباريق اولدنى موسمه ايشلرلر .
 آوروپادن كان ويا آوروپايه كيدن يولجيار ك اونده دو قوزى
 بوكون ماطقا بومبايه اوغرار . بويولجيار ياهندستان داخنده كى
 مشهور شهرلره مجلوب اوله رق ياخود ملكتلرينه بر آن اول
 قاووشمق حسنه مغلوب اوله رق بومباي شهرينه او قدر اهميت
 ويزمزلر . حالوكه شهر پك چوق نقطه نظردن تماشايشايندر .
 هند شهرلرندن باشقه هيچ برنده بوغلبه لق ، بوتنوع اجناس
 كورولمز . باشقه يرلرده كى مبانى هند عتيقى انسانه اخطار ايدر .
 بوراده ايسه هندستان بوكونكى حاليله نظره نمايان اولور . هندستانك
 اك آوروپاليلاشمش شهرى بومبايدر .

بومبايده پك چوق كيمسه انگليزجه تكلم وكتابت ايدر .
 بوشهر عظيمك جاده لرنده هر طرفه ايشله ين تراموايلرده عيني
 قانايه نك اوزرنده آوروپاليلرك ، هندليلرك آتشيستارك اخذ موقع
 ايتدكلرى كورولور .

انكيندن بومبايه كايركن نظره ايلك چاربان قطعه ارض قولابا
 بروئيدر . اسكى برمنزارلقه ، دارالشفانك ياننده برصد خانه
 ايله برفنار انشا ايدلمشدر . دها اوزاقده آوروپالى عساكرايچون
 قيشله لرله واسع برتعايم ميدنى واردر . بونك نهايتدده سن ژان
 كليساى بولونور . قله نى ۶۲ مترو ارتفاعه واصل اولان بوبنا
 بعض ضابطان وافرارك تذكير نامى ايچون وجوده كتيرلمشدر .
 شمال شمندوفر قومانيه سنه مخصوص جسم موقفى كچدكن ،
 حكومه عائد كومورلرك محافظه سنه مخصوص ديولرله دو قلرى

حاوی عرصه لردن مرور ایدلکدن صوکره آپوللون ریختمه
 یاناشیلیر . واپورلر یولجیلرینی بوکوزل ریختمه چیقاریرلر .
 اقساملری بوراسی غایت غلبه لق برتنزهکاهدر . اکثریا بوراده
 موسیقه ده چالارلر . فضلده اوله رق کوزل برلوقطه ده واردر .

شیمدی قولابا بروننک شمانده اطهنک جنوب شرقی قسمی
 اشغال ایدن قلوبه واصل اولیورز . یکریمی سنه اول استحکامات
 باتفه لره ، مغازه لره ، تجار یازینخانه لرینه یرویرمک ایچون
 هدم ایدلمشدی . قازانیلان یرلردن استفاده ایدلدی . بورالرده
 کوزل جاده لر اچیله رق برچوق کوزل بنالریپلادی . دارالفنون ،
 کتبخانه عمومی ، پوسته وتلغرافخانه کی مؤسسات بو طرفه در .
 بوجسیم دائره لره هپسی واقعا بویوک بر ذوق سایمه دلالت
 ایده جک صورتده انشا ایدلمه مشلر سده جسامت وعظمتلری ،
 هپ مرمر وغرانیتن انشا ایدلمش اولملری ، آزر بر مسافه
 ایچنده طویاو اوله رق بولونملری غایت مددب ومحتشم بر هیئت
 مجموعه حصوله کتیریور .

بر آزدها اوزاقده یشیل بر چنزارک اورتیه سنده هندستان
 ایمپراطوریمچه سی ویقتوریانک کوزل بر هیکلی رکز ایدلمشدر .
 هیکلک قاعده سنده کی موزائیقلر چیندن کتیرلمشدر . هیکلک اقسام
 سائره سی تکمیل اک کوزل قارار مرمرندن مصنوعدر .

قلعه نك اورتیه سنده بر فسقیه وکوزل هیکللره مزین باغچه
 واردر . اطرافده الفینستوق قلوبنه عائد کوزل بنالر کورولیور .
 اسکی بومبای شهری ایله قاعه آراسنده ایکی کیلومتره عرضنده
 بوش بر مسافه واردر . باشایجه سوقاقلرنده صباحدن اقشامه قدر
 تراموایلر ایشلر . اک اوزاقده کی محلات قولابا بروننده کی انکلیز

محلاتيله بو سايله پيداي اتصال ايلشدر . اسكي بومباي شهرنده
جهه لري كونا كون بويالرله ملون اولر كورولور .

بونلر درت بش قاتلي اولوب هپسـنـك بالقونلري واردر .
آوروپا طرزنده دكانلرله برافهلردن عبارت يرلي دكانلري بربرينه
قاريشيقدر . آوروپايليرك ثيرغوم، شووياني محله لري ايسه بوتون
بوتون باشقه بر منظره عرض ايدر . بوراده خانلر آلچقدر ،
اطرافنده باغچهلر واردر . تكميل اولر ايسه لطيف بر هندستان
جويزي اورماني ايچنده در .

شمالنده غرانت روآد محله سي اصل شهرك حدوديني تشكيل
ايدر . دها اوزاقده ينه بر طاقم محلات واردر كه بوراده آوروپايلير
كثرتله بولنورلر . تياترولر، بويوك اوتلار، برياريش محلي، باشليجه
شمندوفر استاسيونلري دخی اوراده در . حكومت دائره سي پارل
محله سنده در . كورفز ساحنده كائن اولان مازاغون محله سنده
پورتكيزلير چوقدر .

شمال شرقيدن اسن موسون روزكارينك حكـمـفرما اولديغي
اولديغي موسمه، تشرين ثانيدن نيسانه قدر بومبايك اقليمى پاك
لطيفدر . بو ائشاده ميزان حراره نادرآ اوتوز درجه يي كچر ،
كيجه لري يكرمى بره قدر اينر . مایس آينده جنوب غربى
طرفدن موسون روزكارى اسمكه باشلار . بونكله برايكده شدتلى
صيجاقلرده باشلار . چوق شكركه دكزدن كلن سرين روركارلر
حرارتى بر درجه يه قدر تعديل ايلر .

ياغمور موسمى حـزـيران اواسطنده باشلايه رق ايلول نهايته
قدر دوام ايدر . اوچ آي هر كون منتظماً ياغمور ياغار . يالـكـز
اقشام اوزرلري برقـاچ ساعت هوا آچار . بو موسمه عموميتله

بومبای شهرینی ترك ایدرك جوارده كوزل یرلره كیدرلر. دائره حكومتده پونا شهرینه نقل اولونور .

هندستان داخاندکی یوکسك یا لالرك سرین هوالرینی تنفسه آیشمش کیمسه لر بومبايك هوای نسیمیسینی بر بخار بانوسنه تشبیه ایدرلر . مع مافیله اقلیم بوتون بوتون مضر صحت دکلدر . انکلیزلر آراسنده مقدار وفیاتك زیاده اولوشی تخلف اقلیمی نظر اعتباره آمادقارندن و بناءً علیه عادتلرینی دکیشدیرمیهرك لوندرده اولدیغی کبی یاشامق ایسته دکلرندن ایلری کلیور .

ساکن اولدیغ اسپلاناد اوتلی قلعه محله سننده کائندر . بو طوغله دن ودمیردن یاپیش یکی بر بنای جسیم اولوب آمریقا اصولنده درت یوکسك قاتی حاویدر . فقط آسانسوری یوقدر . دردنجی قاته قدر یوز یکرمی سکزایاق مر دیوهن واردر . دردنجی قاته بر اوطه ده ساکن بولونیورم . اوطه مک درت کنیش قایسی وار . بولردن تراچیه و بالقونه چیقیلیور .

ساعت طقوزده برنجی قاتده جسیم بر سالونده اوکله یمکی حاضر لانیور . آت نعلی شکله ده کی یمک سفره سنك اطرافنده ایکی یوز کشی اخذ موقع ایده بیلیر . ایسته ایله هیج بر یمک کتیر میورلر . ساعت ایکیده بر قهوه آلتی ، ساعت یدی بچقه اقسام یمکی ، ساعت طقوزده ایکنجی دفعه اوله رق چای ویریلیور . هپسی ایچون کونده درت روپیه (تقریباً قرق غروش) ویریورم . آوروپا اوتلارنده موم مصرفی وسائره ناملریله ایسته نیان کونا کون فضله مصرفلر بوراده یوقدر . اوطه لر کوچوک اولوب آوروپا طرزنده دوشنمشدر . بولرك خصوصی حمام قابینه لری موجود دکل . فقط چوقدن بری ایلاک دفعه اوله رق یاتاق نامی ویریله . بیله جك بریرده یاتیورم . بوقدر یوکسكده اوطورمق ایسته مزسه م

بر رویه دها فضله ویره دك برقات آشاغی اینه بیایرم. فقط تپه ده کی
کوزل تراچه یی ترجیح اییدیورم. دکنك لطیف روزکارلری
بورایه دائمی صورتده سرینلک ویریور. بورادن دکنه، شهره
وغات طاغلرینه دوغرو پك کوزل بر نظارت واردر. لیانك
ساکن صولرنده بر چوق سفینه لرك تشکیل ایتدکاری لوحده
لطیف. یمك زمانلرنده طعام سالونك منظره سی حقیقه شایان
تماشادر. کنیش پنجره لردن هوا ایچری یه بول بول کیریور.
غیر مرئی بر الک تحریک ایتدیکی جسیم بر یاپازه هوایی برقات
دها تجدیده خدمت اییدیور. بر اشارت ویریلیر ویرلمز مدعوینك
خصوصی خدمتجیلری قولتوق صندالیه سنك آرقه سنه کلوب
اوتل خدمتجیلرینك اللرندن آلدقاری یمکاری افندیلرینك
اوکارینه ویریورلر. اوتل خدمتجیلری یالین آیاق وقیویر جق
صاچلی پورتکیز لیلردر. بیاض رنگده ژاکت وپانطالون تابس
اییدیورلر.

سفره طاقملری ده آوروپا طرزنده در. صحنلردن، غریب
طباقلردن اثر یوق. بوزلی صو سوراخیاری، چیچکلر، یمشیر،
صلاطه لر، ایشته سفره نك تزیناتی.

یمك سالوننه متصل اوله رق بویوك بر مطالعه سالونی واردر.
بوراده هر دورلو مجموعه وغزته بولونور. بالقون اوزرنده یرلی
تاجرلر صاندیقلرینك یاننه باغداش قوره رق اوتورمشلردر.
ساحله دورلو دورلو عجائب وغرائب فروخت ایدرلر.

ایچنده درت کون قالدیغم بواوتل بنده ایی بر خاطره براقدی.
كرك استراحت و مکملیت كرك اهنیت فیات نقطه نظرندن یوجلیاق
حیاتی ائناسنده تصادف ایتدیکم اوتلارك الك کوزلیدر.

اصل بومهای شهرینی بکا خدمت دلالتی ایفا ایتك اوزره

مراجعت ایدن برپارسی دلیقانلیسنک رفاقتنده اوله رق کزدم .
ابتدا چارشی بی دولاشدق . پارسده بل ژاردینه ر مغازه سنده اون
فرانغه صاتون آلدیغم هندی سرپوشی چارچاق بوزولمشدی .
چاتاقلاردن شعاعات شمس باشمه کچوردی . بر بوجوق رویه
قدر جزئی بر مبالغه مقابلنده کنیش کنارلی ، ایچی بیاض موساین
قابلی ، هم قالین هم خفیف ، هند کونشنندن تحفظه مساعد بر سر -
پوش آلام .

سیاه شهر تعبیر اولان قسمک اوکنده سیر آرتور قرورافورد
طرفدن انشا ایدیان یکی چارشیلر بولونیور . بونلر کوزلجه هوا
آلیر برقچ غالریدن مرکب اولوب باغچه لرله بر برلرندن آیرلمشلردر .
کوزل بر چشمه بی حاوی اولان اورتده کی بنانک اوزرنده ساعت
قله سی خدمتی کورن بر قله واردر . چارشیده چیچک و میوه پک
مبذول . موز ، پورتقال ، آناناس ، هندستان جویزی ، قارپوز ،
عربستان خورمسی کی میوه لرله کونا کون سبزه لره آدیم باشنده
تصادف اولونیور . پارلاق رنگلی بر طاقم بانقلرله قایلو مبعه لر و اشها
انکیز استردیه لر ، سائر قبوقلی حیوانات بحریده کوردم . طاوق
وامثالی حیوانلرله آو حیواناتنه مخصوص اولان قسمنده اوجوز
فیات ایله جانی حیوانلرده اشترایدیه بیایر . آلیشقین برمایمون
درت فرانغه صاتیایور . لطیف بر آهو اون فرائق قیمتنده در .
برطاوق ایسه ایکی غروش ایدیور . اوتوز قرق پاره مقابلنده بر
پاغان آلمق قابلدی . بومباید اجرت یومیه بهالی اولدینی ، تعیش
سائر هندستان شهرلرینه نسبتله دهها غالی بولوندیغی حالده اک ای
اتک برکیلو غرامی یوز پاره دن اوجوزدر .

چارشیدن چیققدن صوکره بر تراموایه بیندک . تراموای بزی
پارل سواقغندن کچیردک بیکوملا نامنده عمومی بر باغچه یه کورتوردی .

بونك داخاندە ويقتوريا موزەسنى انشا ايتشاردى. موزەنك بناسى
بك كوزل ايسەدە ايچندە بك مەم شيلريوقدر. موزەدە مصنوعات
مخليه عائد نمونەلرلە حبوبات وكراسىتە نمونەلرى، طوراقدن
بك كوزل ياپلش هيكللر كوروليور. رەبرم مشهور قلە سكوتك
مجسم اولەرق ياپلش بر نمونەسنى بكا كوستەردك نظر دقتى جاب
ايتدى.

معلومدر كه آتشپرستلر اولولرى دفن ايمزلر. بونلرى سائر
هندليلر كې احراق ايتمك دە عادتلرى دكلدر. آتشپرستلر موتالرى
يرتيجى قوشلرە ترك ايدرلر. هر كسك كيرەميه جكى بر موقعدە انشا
ايدلش جسيم ديوارلرلە محاط بر قلەنك تپەسنە نعلشلىرى براقيرلر.
ايشتە ويقتوريا موزەسەندە تشپرايدن كوچوك قلە مالابار هيلە
كائن اولان آتشپرستلر قلە سكوتلرينك كوچوك بر نمونە سيدر.
سكز اون مترو يوكسلىكەندە ويكرمى مترو كنيشلىكەندە چاتيسز
بر قلە تصور ايدىلسين. ذروەدن بر آزا شاغيدە خونى شكەندە
وخفيفجە ميللى بر تخته واردر كه اورتە يردە حفر ايدلش بر قويويە
منتهى اولور. قويونك اوچ مترو قطرى اولوب دوت قات درينلىكى
يان طرفلرندن سكز صيرا دلىكى واردر. شيمدى سويلديكمز تخته
مرکزلى متحد وكنيشلىكلرى مساوى اوچ قسمة آيرلشدر.
بوقسملر آراسندن دار بريول كچر. بوقسملر هر برى دە يتمش
ايكى بولمەيه تفريق اولونمشدر. بولەلر آراسندە مركزدن محيطە
دوغرو جارى كوچوك بورولر كورولور. بورولر وسطەدى
قويويە آقار. اك يوكسك قسملر يعنى ديواره قريپ اولان پارچەنك
زميننە اركل نعلشلىرى، ايكنجى يە قادين اوچنجى يەدە چوجوق
نعلشلى وضع اولونور. نعلشلىر بورايە تاميلە عريان بر حالەدە قونەرق
دوت آي براقيلير. قارتالار، قارغەلر، هوا، كوش چار چابوق

اتلری محوایدر. متباقی آقسام مدت معینه نك مرورندن صوکره
اورته ده کی قویویه آتیار. هیچ کیمسه بوراسنی زیارت ایده مز.
یالکنز ایکی راهبک یوقلهیه کیرمک حقى واردر.

پارسیلرک یعنی آتشیپرستلرک بومبایده کی معبدلری پک محتشم
دکدر. بونلرک هیچ برینی زیارت ایده مدم.

آتشیپرستلرک اثوابلری هندیللرک قیافتندن پک فرقلی دکدر.
هندیللرکی بیاض اثواب وپانطالون کیرلر. فقط باشلرنده مشمعدن
برسرپوش واردر. بونک اوزرنده ده صاری رسملر کورولور.
بونلرک راهبلری ده عینی قیافتی حائزدرلر. فقط سرپوشلری
بیاضدر. شیقلمی سیاه یووارلاق آوروپا شاپقه سنی ترجیح
ایدیورلر.

موزه دن چیقبدن صوکره بر آرابهیه بینلرک « پنچراپول »
مؤسسسه نه کتدم. بوراسی متروک ویا خسته حیواناته مخصوص
اولمق اوزره بایانلر طرفندن انشا ایدلمش بر خسته خانه اولوب
قاتولیک کلیساسنک یاننده غلبهلق بر محله ده کائندر. هندیللر
حیوانلرینی اصلا تلف ایتمزلر. حیوانلر برسیدن دولای ایشه
یاراماز برحاله کلدکاری زمان بو مؤسسسهیه کوندریلیر. حیوان
خسته خانه سنک سنوی ایکی یوز اللی بیک فراق کلیری واردر.
بوپاره ایله حیوانلر بسله نیر. حتی بعض هندیللر قصابلرک الندن
طانه، قویون کی حیواناتی اشترا ایده رک بو مؤسسسهیه کوندریلر.
برکاربانسرایدن کچدکن صوکره کنیدی جسمیم بر اولوده
بولدم. بوده دها کوچوک برطاقم اولولره تفریق اولونمشدی.
هررنده آخورلر، حجره لر، سیرلر واردی. دوت آياقلى حیوانات
ایله کومس حیواناتی یان یانه یاشایورلردی. مانده، علممانده بارکیر،
مرکب، قویون، کچی، مایمون، کوپک، کدی، قابلومبغه، قاز،

اوردك، طاق كې حيوانات قارمه قاريشيق كزدر ك غدا آرايورلردى. بو غريب مسافر خانه ده انتظامدن اثر يوق كې كورونيوردى. الكساده وبسيط قواى نظافته ده رعايت ايدليوردى. هر طرفدن غايت پيس قوقو انتشار ايدليوردى. اونك ايچون زيارتمى تسريعه مجبور اولدم. بومباي كې بيوك برشرك اورتە - سنده بويله محل صحت بر مؤسسە يە ناصل مساعده ايدليكنه حيرتدەيم .

برطاقم هند معبدلرينك وبويوك برمقدس حوضك اوكنندن كچرك ژيراغوم محله سنه واصل اولدم . بو صوايه ساحل آراسنده كوزل يوللرله تفريق ايدلمش اطيف بر هندستان جويى اورمانى واردر . اورمانك اوتە طرفدەكى « باق بهى » ساحلى آزدرين اولديغندن كيچيلرك ايشنه ياراماز . چوقدن پرى بو كورفىزى ياواش ياواش دولديرارق ير قازانمق ايسته بورلر .

كچديكمز هندستان جويى اورمانى پك آز ميوه ويريور . بونلرك ميوه سندن زياده عصاره سندن استفاده اولونيور . آغاجك عصاره سى تخمرايدنجه « توددى » دنياى برايجكى وجوده كليور . يرليار بوكا غايت رغبت ايدرلر . توددى نى اعمال ايدنلر اورمانك ايچنده متفرق بر حالده كايه لرده ياشارلر . هندستان جويى آغاجك تپه سنه چيقوب چيچك آچمق اوزره بولنان طمرجنى باغلارلر ، آلت طرفدن خفيفجه شق ايدرلر . بورادن طامله طامله عصاره آقار . آلتنه باغلادقلى قاب بر كيجه آغاجك تپه سنده دورور . بو مايع تازه تازه ايچيله جك اولور سه خوش بر لذته مالكدرد . خورما شرابى كيدر . فقط تخمرايدنجه لذتى دكشير . انكليزلر توددى حصوله كتيرن آغاجه آغير بر رسم وضع ايدرك بو ايچكيناك استعمالنه مانع اولمق ايسته ديلىر ايسه ده بر فائده الده

ایده مدیلر . بنم بومبایه سیاحتمدن بر آز اول بوویر کو ایکی قات آرتیرلمشدی . بوتدایر تقییدیه رغماً الآن غایت چوق مقدارده توددی استهلاک ایدیلیور .

بومحله سیلان آطه سنک باشلیجه لیانی اولان یوانتده غال شهرینک جوارلرینه یک بکزه یور . هر طرفده غایت لطیف باغچه لر، نظر فریب قورولر ، خورما و موز آغاچلری آراسنده کوزل کوشکار کورولور . بو کوشکار زنکین یرلیرک اولوب زنکارنک چینیلرله تزین ایدلمشدر .

بریش قاندى جاده سنک نهایتنه قدر کیتدک . اورادن تارده تئو واروشنه کیردک . بوراده براکلنجهیه تصادف ایتدک . صالنجاقلر یاپیش ؛ آتلی قره جهلر کتیرلش ؛ لاترنالر چالیور . دکانلرک اوکنده شکرلر ، اویونجاقلر ییغیلی . آروپا امتعه سنک یاننده غایت اوجوز برطاقم مصنوعات محلیده فروخت اولونیور . اک کوزل اثوابلرینی کیمش برطاقم قادینلر ؛ چوجوقلر کمال سکون ایله کزیورلر و غایت ایی اکلیور کی کورونیورلردی . جوارده کی هند معبدینی کزدم .

اورادن صوکره برتپه نک اوزرینه چیققدق . بوراده غایت کوزل بر منظره واردی . آرقه مزده تپه ده اطرافنی قاپالی بریر واردی که یوکسک دیوارلرینک آرقه سنندن خورما اغاچلرینک یوکسک تپه لری کوزو کیوردی . رهبرم آغاچلرک نیم کوزدن نهان برحاله بولوندرینی قرارمش دیوارلردن برینی بکا کوستردی . دها بعض زنکین عائله لره مخصوص منفرد مزارلری ده کوستردی . بورادن دیشاریده یوکسک هندستان جویری آغاچلرینک اوزرنده یوزقدر جسیم قارتالار تونه مشلر ، ایرته سی کونکی شکاری بکلیه رک راحت راحت اویویورلردی .

بر آزدها اوزاقده قادين ارکک یرلی ایشجیلر بومبای شهری
ایچون جلب اولنان صاف صولرک جسیم بورولرینی دوشمه مکله
مشغول ایدیلر .

بورادن صوکره کیتدی کمز « مالابارهیل » ده بوندن اوتوزسنه
اول انجق ایکی خانه واردی . بوکون اوتپه نك هر طرفی غایت
لطیف بر قورو حالنه قلب ایدلمشدر . بوراده تمسالك حاره یه
مخصوص نباتات ظریفه آراسنده آوروپالیلرک اقامتگاهلری اولان
کوشکلر نظره چارپار . بریش قاندی ساحلندن غایت کوزل بریول
کچهرک صوکره تپه لره دوغرو چیقار . بوصیراده یرلیلرک
دالکشوار نامنی ویردکلری ومقدس عدايتدکلری بحیره ايله
ماهادوا معبدلری زیارت اولنه بیلیر . بورونک تا اوجنیده مالابار
پوانتده والینک صیفیه سی کائندر . موقعنک صوک درجه ده
لطافتی ، هوا سنک سرینلکی سایه سنده شهرک اک ایی خانه سی
بودر .



اله فانتا

هیچ بر سیاح اله فانتا اطه سنی کزه دن بومبای شهرندن
مفارقت ایتمه ملیدر . زیر زمینده کی معبدیه مشهور اولان بواطه
شهرک شرق طرفنده اون ایکی کیلو مترو مسافه ده ، کنیش بر
کورفزک اورته سنده کائندر . کورفز شماله دوغرو امتداد
ایده رک ترومبای جزیره کیره سنک آرقه سنده نهایت بولور .
بوکون اله فانتا اطه سنه کز مکه کیتمک غایت قولای و قولایلیغی
نسبتتنده خوشدر . هر پنجشنبه کونی اسپلاناد اوتلنک بخارله
متحرک بر بویوک صاندالی وقت ظهرده بومبایدن حرکتله اله فانتا
اطه سنه کیدر . یوجلیق انجق بر ساعت امتداد ایدر .
بویاه کوزل بر فرصتی قاجیر مادم . بش رویه مقابلنده اوتلده

بكا بر بيات ويرديار . بو بيات الهفانتا اطه سنه كيدوب كلك
 واوراده بر قهوه آتى ايتمك ايچون بكا بر حق ويريوردي .
 وقت معينه صانداله بئندم . اوتلده سفره آرقداشم اولان بر
 انكليز مهندسيله زوجه سي بئدن دها اول ككشلردى . بر آز
 صوكره حركت ايتدك . خفيف صاندالمز ليانده لئكرانداز اولان
 سفائنك آراسنندن سرعتله كچيوردي . شو جسم شهرك
 تشكيل ايتديكى منظره لطيفه ي تماشايه دويمان بوتشر اسمنده كي
 كوچوك اطه نك اوكنه واردق . اطه لطيف بر قورويه بگزه .
 يوردى . بر چاريك صوكره ايكي يوز مترو طولنده يكي انشايدلمش
 اوزون بر اسكله يه ياناشدق . اسكله نك نهايتنده كي يول بعض يرلرده
 قايلرك ايچى اويوله رق وجوده كتيرلمش ، بعض يرلرده باصه ماق
 باصه ماق ترتيب اولونمشدى . اطه نك بو قسمي مزروع دكلدر .
 طبيعت بوراده هم وحشى هم لطيف بر منظره اكتساب ايتمشدى .
 قايلرك اوزرني غايت فياض بر طاقم نباتات استيلا ايلمشدى .
 اوتده بريده ، ييلانلرله وحشى حيوانلرله التجا كاه اولان غير قابل
 نفوذ چاليلر آراسنده جسم آغاجلر ترفع ايدييوردي .
 يوقوش پك ديكدي . آتئين بر كوش اشعه طاقتسوزي
 باشمزه ياغديريوردي . نهايت شدت حرارتله بوتون بوتون
 تحملكداز بر حال كسب ايدن يكرمي دقيقه لق بر سياحتدن صوكره
 برانكليزك اوتورديني لطيف وسرين بر كوشكه موصلت ايلدك .
 اطه ده كي مغاره لرى كزديرمك ايچون بوانكليزدن باشقه سي رهبرلك
 ايدم مز . اوتلك همالري ييه جكلريمزي آله رق بزدن اول
 ككشلردى . سبتلرك آغزني چوزمشلردى . چوق شكره بوزى
 اونوتمامشلردى . رنكارنك چيچكارله مزين باغچه يه بر نظر سريع
 بيله عطف ائمه دن كولكه وكوزل بريده قورولمش سفره نك باشنه

كچك. انكليزلر بويله برقهووه آتی اولمادن تنزهه كیتمزلر. بومبايده
 اوتله ايمشز كي غایت مكممل بر صورتده قارنمزی دويوردق .
 مغارنك مدخلی ايكي آديم اوتده در . مدخل نظر فريب
 برزینت طبيعیه تشكیل ایدیور . برکومه يشيملك ايله مزین بر
 قايانك اوزرندن هندستان جویزی آغاچلریله خیزران کومه لری
 فیشقیرمش . بورادن صارقان صارماشیقلا ايكي ستونله اوچ قسمة
 آریلان مغارنك مدخله دوغرو اوزانه رق طبیعی برزینت وجوده
 کتیریور .

قایا ایچنه اوبولمش اصل بویوک قسم قرق مترو ضلعنده بر مربع
 محل تشکیل ایدر . ایکی یاننده دها کوچوک برراوطه وار . طاوان
 آتی مترو مرتفع اولوب افقی بروضعیتده در . مغاره یی حفر ایدر کن
 یکر می آتی ستون بر اقمشلردر . ستونلر یازیلرینه قدر مربع الشکل
 اولوب اورادن یوقاری یه اولوقلی واسطوانی الشکلدر .

دیوارلر قایایه دایانمش برر هیكل دنيله بيله جك طرزده تراشیده
 الواح ايله مزیندر . بونلر غایت کوزل ایسه ده مع التأسف مرور
 اعصار ايله خراب اولمشلردر . ستونلردن برقچی ییقلمشدر .
 یالکیز طاوان طرفندن قایایه مربوطدرلر . پورتکیزلیرك بومعبدی
 برقچ دفعه تخریبه تشبث ایتدکلری ، دیوارده کی آثار خرابینك
 مسئولی اونلر اولدینی سویلنیور .

معبدك تانهایتنده اوچ باشلی حسیم بر هیكل نظره چارپار .
 بونی چوق زمان هندلیرك اقایم ثامه سنی مصور بر هیكل اولوق
 اوزره تالق ایتدیله . فقط بوکون الهفانتا معبدینك سیوا نامنده کی
 معبوده مخصوص اولدینی تحقق ایتمشدر . ماهراتلر سیوایی
 ماهادوا نامیله یاد ایدوب اوچ چهره یه مالک اولوق اوزره تجسم
 ایتدیرلردی .

رهبریمز یانده کی صالونلردن برینک قارا کاق بر گوشه سنده
 بزه کوچوک بر حوض کوستردی . بو حوضدن نه قدر صو آلینیرسه
 آلسون حوضک ایچنده کی صو دائما عینی سویه ده دورورمش .
 هندلیلر بو صویک زیر ارضه بر یول واسطه سیله دوغرودن
 دوغرویه غائر نهرندن کلدیکنه زاهدلرلر . اونک ایچون بو صویه
 بر طاقم خواص فوق العاده اسناد ایدرلر . حاصلی الهفانتا معبدی
 غایت جسمیم اولدیغی ، پک محتشم بر منظره یه مالک بولندیغی
 حالد اوقدر فنا محافظه ایدلمش ، هیکللی اوقدر بوزولمشدرکه
 اوراده کی معبدلرک بر چونغندن اشاغی بر درجه ده قالمشدر .

کچن عصرده اطهنک ساحلنده ، مغاره لره منتهی اولان یولک
 بدایتنده سیاه طاشدن جسمیم بر فیل هیکلی کورولوردی . اطهیه
 ومغاره یه فیل معناسنه کلن « الهفانتا » نامنک ویرلمسی بوندن ایلری
 کلشدر . بوکون بو فیل هیکلنک طانماز بعض پارچه لری قالمشدر .

الورا معبدلری

اکثریا الورا مخزنلری نامیلہ یاد ایدیلن الورا معبدلری اووه سطحندن ایکی یوز مترو دها مرتفع اولان یالچین برتپه ایتکینده حفر اولنمشدر. بوتپه اوچ کیلو مترولق بر مسافهده هالال شکلنده امتداد ایدر .

بومعبدلرک نهوقت حفر ایدلدیکی معلوم دکدر . هندلیلر بوندن سکیز بیک سنه اول حکومت ایتمش اولان الون نامنده بر حکمدارک زماننده حفر ایدلمش اولدیغنی سویلرلر . هندستاندهکی اهالی اسلامیه ایسه بونلرک بیک سنه اول وجوده کتیرلمش اولدیغنه ذاهبدرلر . هر حالده محقق اولان بر شی وارسه اوده بومعبدلرک هم برهمن ، هم بودی ، هم ژائین مذهبنه عائد اولماسیدر .

معبدلرک انشاسنده نظره چارپان تفاوت اسلوب ومهارت بونلرک مختلف دورملرده وجوده کتیرلديکینه دلالت ايدر . ذاتاً آثار قديمه بشريه آراسنده وله افزای عقول بر درجهيه واصل اولان بوجسيم معبدلر انجق برقاج عصر ظرفنده اکمال اولنه بيلير . بوکون عموميتله قبول ايدلمش اولان بر فیکره نظراً بو معبدلرک اک قديمی ايکی بيک سنه دن مقدم دکندر .

بر قاج سنه اول بونلرک مدخلی بر طاقم انقاض وچالی ايله قابالی اولديغی جهتهله ايجريلرينه کيرمک پک مشکل ایدی . فقط ۱۸۷۶ تاريخنده پرنس دوغلاک سياحتی مناسبتيله مذکور معبدلرک کاش اولديغی حيدرآباد ولايتی بو انقاضی رفع ايتديردي . بوکون هر طرفلرينه کيريله بيلير . بو اثناده ديوارلر اوزرنده ازمئه قديمه دن بری غایت کوزل محافظه ايدلمش رسملر ميدانه چيقدی . ابتدالری تکميل ديوارلرک بويله رسملرله مزین اولديغی ظن ايديليور . او تاريخدن صوکره بوراده بر پوليس مأموری بولنديريه رق زائرلر دن جزئی اجرت دخوليه اخذ اولونيور .

هر سياح اسمنی بر دفتره قيد ايدر . بودفتره کوز کزديرديکم حالده برفرانسز اسمنه تصادف ايده مدم .

يول کنارنده نظرمه ايلک تصادف ايدن معبد هيسنک اک حيرت بخشيدر . بوکا قاييلاس (بهشت) ديورلر . بومعبدک بر چوق توصيفاتی اوقومشدم . هند قديم دن قاله آثار نفيسه نك اک مکملنک قارشيسنده بولنه جغمی بيلوردم . فقط قايا ايچنده اويولمش بويوک بر بنا قارشيسنده بولونجه مستغرق بهت وحيرت اولمقدن کنديمی ينه منع ايده مدم . بوبنا طاغدن منفصل اولوب آرالرنده ۱۲۰ مترو درينلککنده ۶۰ مترو کنيشلککنده بر آولو

وارد در . طاغك اوتوز مترو ارتفاعنده شاقولی جدارلری وار .
 طاغدن آیرلمش اولان منفرد قایا پارچه سنك ۵۰ مترو طولی ،
 ۳۰ مترو عرضی اولوب ارتفاعی ده ۲۷ مترویه بالغ اولمقددر .

بوناغایت قاریشیق برشی اولوب برقاق قاتی حاویدر ، کنیش
 سالونلری ، دهلیزلری ، مردیوه نلری ، معلق عبادت سالونلری ،
 هوائی قبه لری موجوددر . بونلرک کافه سی ده غریب بر صورتده
 تراشیده مصنوعات ایله مستورددر . وجوده کتیر دکلری هیئت
 جموعه غایت کوزل ونظر فریبدر . اصل معبددرت صیرا مربع الشکل
 ستونلر اوزرینه استناد ایتکدهدر . گوشه لرده کی و دیشاری طر -
 فده کی ستونلر جسم فیل هیکلارینک اوزرینه دایانمش اولدیغندن
 بوتون بنایی بوفیللر قالدیریور ظن اولنه بیلیر . قاییلار معبدی
 هیچ شبهه سز برهمین مذهبنه عائددر .

انسانک قوه مخیله سی بو بنا قارشیننده شاشیریور . چونکه
 بوجسیم معبدی یامق ایچون ایکی طاشی اوست اوسته قویمغه ،
 اوافاق بر دیوار بیله یامغه لزوم کورمه مشلرددر . یکپاره جسم
 برقایی اویه رق بومعبدی یامشلرددر . الارینه بر فیل دیشی پارچه سی
 آله رق بونک اوزرنده کمال صبر و تحملله چالیشه چالیشه غایت
 نفیس بر اثر صنعت وجوده کتیرن چین صنعتکارلری کی قاییلار
 معبدینک معماری ده اله بر طاغ پارچه سی آله رق اک اوافاق
 تفصیلاتنه وارنجه یه قدر تام بر معبد وجوده کتیر مشدر . هم
 اوقدر مکمل که آوروپانک اک اعتنا ایله یاپیلان جسم کلیسالیله
 بحق رقابت ایده بیلیر .

آلوده ایکیشر مترو ارتفاعنده ایکی دیکیلی طاش ایله حیوان
 هیکلری ، طاقلر ، کمرلرده کورولیور . زیر ارضده اوچ قات

حالنده اویولمش اوطه لر معالق دهلیزلر وجوده کتیریور . بونلر
مردیوه نلرله بربرلینه مربوطدرلر .

بومعبدلردن باشقه الوارده اوتوز ایکی دانه معبد دها واردر .
بونلرک اوزون اوزادییه تفصیلاتنه کیریشه حکم . بونلرک هپسی
بلااستنا شایان دقت و تماشادر . مدخل خدمتی کورن اولولرک
اکثریسنده یکپاره طاشدن مصنوع بر بنا وارسهده جسماتی قایلاس
معبدنده کورولن قدر دکلدر . بومعبدلرک اک باشلی شایان اهمیت
نقطه لری جسم هیکللیدر . بوهیکلر درین دهلیزلرک جدارلرینه
دایانمش بر حالده موضوع اولوب هند قدیم معبودلرینی اوضاع
کونا کونده ارائه ایدرلر .

بوتون بو عجائب چهره لر ، متعدد قوللی کوکده لر ، حیوان
باشلی انسان وجودلری مصر قدیم هیکلرینی آکیریور .
بوهیکلرک ذوق سلیمه موافق اولمادیغی ، رسملری یا ککش ، هیئت
مجموعه لری بعضاً پرده بیرونانه اولدیغی شبهه سزدر . فقط جسماتلری
و کثرتلری انسانی متحیر ایدرک تقدیرخوان اولمغه سوق
ایدیور .

دیگر طرفدن هند صنایع نفیسه سی طبیعت ذی حیاتی تصویر
و تجسیم نقطه نظرندن بر اثر مکملیت ارائه ایدمه دیکی ، طبیعت
ذی حیاتک آنجق قبا قسملرینی قبا بر صورتده تقلید ایلدیکی
حالده صنعت تزیننده پک زیاده ترقی ایلشدر . طاوانلرک اطرافی ،
دیرکلرک تزیناتی ، دیرک باشلری او قدر متنوع ، او قدر لطیفدرکه
ذوق سلیم صنعتکارانه نقطه نظرندن هپسی بر اثر نفیس عد
اولنه بیلیر .

نظر دقتی بالخاصه جلب ایدن معبدلر میاننده ویزو آقایا

معبدی ذکرا یتمکدن کنیدی منع ایده میورم . بو قرق مترو طولنده اوزون برغالیدر . ۲ مترو ۸۰ سانتیمترو محیطنده سکز گوشه‌لی ایکی صیرا دیرکهرله اوچ قسمه آیرلمشدر . تادیبده برجره ایچنده « براهه » کورولور . آیاقلری آلتنده ایکی حیوان یاتمشدر . یاننده آیاق اوزرنده ایکی خدمتیجی اللرنده لوتوس چیچکهریله دورورلر . معلوم اولدیغی اوزره لوتوس هندیلیرک مقدس عدا یتدکاری بر چیچکدر . معبود براهه بو چیچکهرک برندن وجود بولمشدر دیه اعتقاد ایدرلر .

مدخلی زیرارضده یاپلمش برغالرینک ایکنیجی قاتنده بولنان پارالوقا معبدنده مرمر تقلیدی برشی اوزرینه یاپلمش غایت کوزل رسملر واردر . طاوان کاملاً تراشیده ستونلر اوزرینه طوتدیرلمشدر . طاوانده هند اساطیرینه عائد رسملر یاپلمشدر . مع التأسف دومان طاوانی پک زیاده قرارتمش و دیوارده کی رسملری بوزمشدر .

میستری معبدی غوتیک طرزنده صیرا ایله بر طاقم کمرلری حاویدر . بو معبدده تک برهیکل واردر . اوده بوددایه عائد اولوب غایت جسیمدر . بوددا باغداش قورمش بروضعیتده یره اوتورمشدر . اللرینی ده دیزلرینک اوزرینه قویمشدر .

دورماله‌نا معبدنده قرق مترو طولنده درت گوشه جسیم بر صالون واردر . اطرافنده دهه کوچوک برطاقم اوطه‌لرده بولونیور .

رامسوه را وینلا قانتا معبدلری ایسه غایت مبذول آثار هیکلتراشی ایله مزیندر . ستونلری ده غایت شایان دقت بر صورتده تراشیده در .


شمال طرفنده اک صوکنیجی اولان ایندرا ساها معبدی


قاييلاسدن صوكره هيسنك اك كوزليدر . بوراده معبودلردن ايندرا ايله زوجه سنك غايت جسيم هيكللري بولونيور . بومعبد ژائين مذهبنه عاندر . اون آلتيشر مترو طولنده بر طاقم اوطةلردن تركب ايدر . بواوطه لر داخلي بر آولونك بر جبهه سي اوزرنده حفر اولمشلردر . هپسي قايا ايچنده اويولمش بر قابو ايله مزيندر . غايت جسيم بر فيل هيكللي بوننره زينت بخش اوليور . طاغدن چيقاريلان قايا پارچه لري ييغيله ييغيله بر طاقم تپه لر وجوده كتير مشلردر . بونلرك اوزري بوكون غير قابل نفوذ چاليلرله مستوردر . ايجريلري پيلان يوو سيدر . اونك ايچون دار يولدن كيدر كن صوك درجه احتياطله يورويور ، شبهه لي كورولتولره قولاق ويرييوردم . آراده صيراده قورومش يوكسك اوتلر چتيردار ، آياقلم آلتنده بردن بره آچياير ، يكنظرده ، طانيه ماديغ بر حيوان على العجله قاچاردى . قورقوم يانمه كار قاليردى . چونكه اوتلرك آراسندن فيرلايان حيوان بنندن زياده قورقش قوجه مان بر طاوشان ايدى .

بو محتمم معبدلري وجوده كتيرنلر اورايه وصولي تسهيل چاره سنى دوشونمه مشلردر . اسكيدن قالمه يول آثارينه هيچ تصادف اولونميور .

شيمديكي حالده بومعبدلرك كافه سي مترو كدر . نجوارني ياباني اوتلر قاپلامشدر . اطرافده كي صحرا خالي وساكتدر . صحرا ده ، برقاق كيلو مترو اوتده اهميتسز بر كويك عادى كلبه لرندن باشقه برشي كورولمز .








Handwritten text in a cursive script, likely Persian or Arabic, arranged in approximately 20 lines. The ink is dark and the script is dense.

بسم الله الرحمن الرحيم
الحمد لله رب العالمين
والصلاة والسلام على سيدنا محمد وآله
الطاهرين

وآلهم صلوا على محمد وآل محمد
كما صليت على نبيك وآل نبيك
الطيبين الطاهرين



3 1761 06993145 9

DS
485
B61
C619